

ցոյց տալը: Աղջիկները միայն ազատ են փաթաթներէից և մինչև ամուսնութիւնը բացերես են ման գալիս:

Կօշիկ: Ընդհանրապէս ամառ ժամանակ թէ կին, թէ աղջիկ ոտաբոբիկ են շրջում, իսկ ձմեռը հագնում են սև և կարմիր ոտնամաններ, որի ծայրերը սրածայր են և կեռ: Դա տեղական բարբառով «մաշիկ» է կոչում, որ գնում են գիւղում աշխատող մաշկակարներից: Թէ կնոջ, թէ հարսի և թէ աղջկայ կօշիկները նոյնն են:

Հարսները գլուխներին կապում են «թախտած». վզից կախում «աշմ»: Աղջիկները հագնում են կանանց պէս, միայն այն զանազանութեամբ, որ նրանք փաթաթանք չունեն գլխներին, այլ գնում են ասեղնագործած գլխարկներ, որոնց տակից ընկնում, ծածանում են ծամերը: Գլուխները սանրում են, մէջտեղը մի գիծ (արտակ) թողնում և ծամերը ձգում ցած, որի ծայրերին կապում են մի քանի գունաւոր ուլուռքներ: Փոքր աղջիկները վզից կախում են զանազան ուլուռքներ:

Բաղանիս: Փէրիայի հայաբնակ ոչ մի գիւղում չկայ բաղանիս, բացի Նամակերտից, այն էլ ամեն օր բաց չէ, այլ ամիսը կամ շաբաթը մի անգամ: Ընդհանրապէս թէ տղամարդիկ և թէ կանայք լողանում են ասնը (գոմում), երբ կամենում են, իսկ փոքր ինչ հարսուստները 3—4 ամիսը մի անգամ կամ աւելի ուշ գնում են բաղանիս:

ՆԱԽԱՊԱՇԱՐՈՒՄՆԵՐ ԵՒ ՍՆՈՏԻԱՊԱՇՏՈՒԹԻՒՆՆԵՐ

Բուրի ձայնը չարագուշակ նշան են համարում. և թէ բուն բուռ է մի տան վրայ, հաւատում են, որ տան անգամներից մինը կմեռնի: Գիշերը գլխաբաց դուրս չեն գալիս, որպէսզի սատանաները չխփեն: Գիշերը պարսկի գերեզմանի մօտ չեն գնում, որովհետև մեռելների ուրաւկանները նրանց կհալածեն իբրև «անհաւատներին»:

Գիշերը վախենում են ջրհորի մօտ գնալ, որովհետև միջի գիւղերը դուրս կգան և կըմեն:

Գիւղացին տնից դուրս գալիս՝ եթէ ձայն տառ ետևից, յետ է դառնում և այլիս չի գնում, գուշակելով՝ որ այդ օրւայ գործը չպիտի